



Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq

29-10-2025
Suliap normua 2025 - 16685
Akt nr. 25887022

Postboks 1029
3900 Nuuk
Tlf: +299 34 50 00
Email: iktin@nanoq.gl
www.nanoq.gl

Asasakka Kultureqarnermut, Ilinniartitaanermut, ilisimatusarnermut Ilageeqarnermullu
Ataatsimiititaliami ilaasortat

Qujanaq saaffiginnissutissinnut ulloq 26. Oktober 2025 -imeersumut, qinnutigalugit
apeqqutit pingasut UKA 2025/155 “Sineriak tamakkerlugu oqaluffeqarnikkut
aserfallassimanermut takussutissamik iluarsartuussinissamullu
pilersaarusiortoqarsinnaanera pillugu Naalakkersuisut UKA2026 nallertinnagu
agguaassassamik nalunaarusioqqullugit aalajangiiffigisassasutut siunnersuut,
imaqartussamik nuna tamakkerlugu qulaajaalluni nalunaarusiamik oqaluffiit
aserfallassimanerannik, kiisalu pilersaarusiamik aserfallatsaaliinissamut
iluarsartuussinissamullu”

Ataani apeqqutitut akissuteqaatit takusinnaavasi.

**Apeqqut 1: Nunatsinni oqaluffiit ataatsimut katillugit nutarterneqarnissaannut
aserfallatsaaliineqarnissaannullu pilersaarummik suliaqarnissaq qanoq
akeqassava?**

Akissut: Naalakkersuisut aallartereersimavaat digitaliusumik aaqqissuussinermik
ineriartortitsineq, qularnaarisussamik assigiissaakkamik aamma ullutsinnut
malinnaasumik uppersaasarsornissamik, ilaatigut oqaluffiit aserfallassimanerat
pillugu suliaq. Qanoq issutsimut nalunaarsuinissamut, illuutitut tassunga ilanngullugit
oqaluffiit aamma umiarsualiviit ilanngunneqassapput. Oqaluffinnut qanoq issutsinut
nalunaarsuisoqassaaq najugaqarfimmi allanik illuutitik nalunaarsuisoqalernat
taamaasilluni aningaasartuutit annikinnerussammata. Oqaluffiit eqqarsaatigalugit
naatsorsuutigineqarpoq paasissutissat 2026-ip qiteqqunnerani pigineqalissasut.

Paasissutissat taakkua tunuliaqutaralugit periarfissaalissaaq aserfallatsaaliinermut
pilersaarusiortoqarsinnaanera illuutitik ataasiakkaanik, atortorissaarummi pineqartumi
aaqqissuussinerup tamanna periarfissaatilissammagu. Immikkoortumut pilersaarummik

suliaqarneq oqaluffeqarnermik suliaasaqarfimmi naatsorsuutigineqarpoq
Ilinniartitaanermut, Kultureqarnermut, Timersornermut Ilageeqarnermullu
Naalakkersuisoqarfimmut aningaasaliissutit maanna piusut iluanni akilerneqarsinnaasoq,
taamaattumillu naatsorsuutigineqanngilaq tamatumani ilassutitut
aningaasartuuteqartoqarnissaa.

**Apeqqut 2: Suna peqqutaava nutarterinissamut aserfallatsaaliinissamullu
pilersaarummik Naalakkersuisut suliaqarusunnginnerannut, taamaallaalli
pingaarnersiunerit aqqutigalugit oqaluffiit illutaasa nutarsarneqarnissaat
aserfallatsaalineqarnissaallu suliarerusunneqarluni?**

Akissut: Naalakkersuisut suliaq digitaliusumik nalunaarsueriaatsimik imaqartoq
nalilerpaat pingaaruteqartumik alloriarnerusutut pilersaarusiornermi aamma iliuusissatut
anguniakkanik aqqissuussinertut pingaaruteqartutut, tamannalu alloriarnerusutut
pilersaarusiornermi aserfallatsaaliinermi iluarsaanermilu pingaaruteqartutut.
Aaqqissuussineq periarfissiisaaq aserfallatsaaliinermut pilersaarutininik
malinnaatitsiuarinissamut, illuutit ataasiakkaat eqqarsaatigalugit, paasissutissanik
tatiginartunik tunngavilimmik.

Paasissutissat pineqartut pigineqalerpata periarfissaalissaaq pisariaqartitsinerup
naatsorsorsinnaanissaannut, aammalu tulleriiaarinerup aningaasalersuinissallu
pisariaqartut aqqissuunnissaannut iliuuseqarumalluni.

Naalakkersuisut pilersaarutigaat immikkoortumut pilersaarummik oqaluffeqarnermut
sammisumik suliaqarnissaaq paasissutissat naammattut pigineqalerpata.

Erseqqissarneqassaaq aserfallatsaaliineq iluarsaaqqinnermilu suliat pisut saniatigut
ingerlanneqaannassammata, nalunaarsuinerit pineqartut saniatigut, immikkoortumullu
pilersaarusiap saniatigut, ingerlaavartumillu pingaarnersiuinernik tulleriiaarinernillu
suliaqartoqarluni, pisariaqartitsinerit ilisimaneqartut najukkanilu namminerni
ingerlatsisunik oqaloqateqarnerit ilutigisaannik.

**Apeqqut 3: Naalakkersuisut UKA2025/155-imut allannguutissatut siunnersuutaat
naapertorlugu nalunaarsuisarnissaaq, pingaarnersiuisarnissaaq
aningaasalersuisarnissarluni eqqarsaatigalugit oqaluffiit Naalakkersuisunit
suleqatigineqarniarpat?**

Akissut: Aap, Naalakkersuisut ingerlaqqittumik ilagiinnik oqaluffinnik susassaqqartunillu
allanik suleqateqarniarput, nalunaarsuinerimik, tulleriiaarinerimik aamma
aningaasalersuinerimik.

Suliami paasissutissanik annertunerusunik pisariaqartitsisoqarpat soorunami
akinissannut piareersimavunga.

Inussiarnersumik inuulluaqqusillunga

Nivi Olsen